

地200-183

39

第1012

城垣

坊巷  
市鎮  
風俗

常昭合志稿卷第四

城垣志

附坊巷

敘曰陸道瞻吳郡記海虞縣北六里有虞山據此則縣當逼近昆承湖此故老傳聞所以有城淪為湖之說也而攷其遺址往籍無徵厥後移建便枕山麓而或者謂嘉靖以前城與山兩不相屬是說也余竊疑之夫邑以琴川名已詳於鮑廉志謂縣治前後橫港凡七皆西受山水東注運河如琴絃然也琴川發源石梅澗若當時城不跨山琴川烏得在城內乎總之遺蹟湮矣不可強斷茲謹舉今時之形勢與夫建置修築之可考者著於篇兼記舊志所載前

常昭合志稿

卷四

城垣

一

代廢城而城垣內外之坊巷亦附見焉為城垣志

西晉因孫吳虞農都尉署置海虞縣城

東晉因漢司鹽都尉署分置南沙縣城於沙中

隋常熟縣治南沙城

舊唐書地理志

唐武德七年移治海虞城

元和郡縣志

城周二百四十步高一丈厚

四尺列竹木為柵無樓堞之雄

詳符圖經 鴻文案二百四十步計止一百四十四丈舊

志記後來社稷壇之圍且四百五十丈則古時縣城必不至若此之小而鄧志稱元時州城周一萬四千八百餘丈計當圍八十餘里又必不能若此之大蓋皆傳聞失實不足信也府志謂此即今縣城亦非

宋建炎中縣令李闔之始建五門曰行春秋報承流宣化介福

城郭之制畧備

舊志 琴川志云今已不存

元至正十六年張士誠據吳以常熟爲要害蓋爲磚城周九里

三十步高二丈二尺厚一丈二尺舊志守禦元帥兼知州事盧

鎮董其役見陳基常熟州修學記碑即今城址也桑志 鴻文案九里三十步爲一千六百五十

丈今城一千六百六十一丈增於舊者無多考宋陳下甃路

記云縣依山之陽北行九里爲破山又北行九里爲頂山又

六七里爲小山與今里數里合又鮑廉琴川志已謂縣治前

後橫港凡七是宋縣治即今縣治地元時築城或擴而大之

跨山爲城當在此時故明初人如姚廣孝詩云城半在山高

沈似潛詩云十里青山半入城吳訥虞山詩云山名自虞仲

邑城據其東七絃琴水詩云虞城枕山麓七水流如絃昔人

肇嘉名千古稱琴川是桑志謂元城即今城址確無疑義乃

黃氏廷鑑作元州城考既以桑志爲是又謂爾時虞山東麓

未入城內城與山兩不相屬其說自相矛盾所引證亦多牽

強不足爲據今不錄

明永樂中城漸圯值歲大祲饑民相率盜城輒易食縣令弗能

常昭合志稿

卷四 城垣 二

禁至成化中東西尙有遺堞舊志宏治間存城門六南曰阜民

北曰通江東曰行春西曰秋報東南曰阜安西北曰望海桑志

縣治新圖至嘉靖間城址夷爲平地舊志

嘉靖三十二年倭入寇知縣王鈇議築城以資守禦經始先成一丈以準其費費銀三十兩有奇致仕山東按察副使顧玉柱首捐金助之邑中巨室皆畫地分築沅州判官王魯獨任西門城樓工費最鉅又得富室譚氏所獻四萬金遂倚以集事凡五月畢工周一千六百六十六大有奇高二丈四尺厚加三之一內外皆有渠外渠之廣倍於內惟西北環山而垣無水關城門凡七東曰賓湯西曰阜成南曰翼京東南曰迎

春東北曰望洋西北曰鎮海在山顛者曰虞山門虞山門旋以形家言堵塞不開當議築時邑人邵圭潔有築城議及城

工既竣撰文懿景瀆為文記之

邵圭潔議曰常熟舊稱蘇州北門東西北三面地瀕江海

水寇易以衝突惟南面與郡城接邇可無震驚而東西兩湖又夾於致和塘之傍分洲散渚野寇多所窟伏故蘇之要害常熟為甚其不可無城明矣國家承平日久舊有磚城旋至湮廢當道為吾蘇深長之慮者往嘗議請修復然尋議尋寢有司者倚倚於秉鋤之夫百姓皆偷安於荷擔之計匪直以役軍費煩之故也蓋有說焉其一則勢豪之家據為己有廬而為市則壓之人倍於他市汗而為田則租之人倍於他田未見無城之害而厚享無城之利一聞斯議則所以曲為撓阻者無所不至矣其二則貿易關隘之徒據要津為壟斷或得之市兒或賃之豪家皆重樓疊宇蓄妻妾長子孫視為故業彼便私圖宿願公義一聞斯議則所以曲為撓阻者無所不至矣其三則鄉居殷富之戶以連阡陌貨充市肆有司將與大役而公帑不給未免以佚道民或益之丁田或派之夫役或假之船楫或勸之米粟皆其所預計而恐及此彼且自

常昭合志稿

卷四

城垣

三

成村落自列市廛不圖有城之利而惟計築城之擾一聞斯議則所以曲為撓阻者無所不至矣其四則官府侵漁及奸頑通賈之徒或解運正色之外挪移隱蔽以資溫飽或經年積欠之數輾轉延挨以冀逃脫不能悉舉有司以不給之故亦未免取償於此輩非惟不保其利抑且因此獲譴未見城之完而先見家之破一聞斯議則所以曲為撓阻者無所不至矣夫此四者皆小人之私心也而所以得行其撓阻之計則每駕詐於公而使有司之必吾信又每陷其左右以陰致其辭而使有司之不吾覺蓋凡為有司者孰無愛民之心則重役固所憚也孰無惜財之心則煩費固所憚也有司方慮此二者之憚而小人之辭且首及之已覺其甘而易入矣乃從而變其辭曰城一築則怨讟之聲自此開矣城一築則漁獵誘之自此起矣城一築則經久之役將以官延淹此城也城一築則董率之勞將以官奔走此城也又從而蔓其辭曰城加於山將不利於官司也城加於山又將不利於科第也如前之辭若惓惓為有司之忠臣如後之辭若懇懇為舉邑之大慮且復乘其易入之隙而投之雖至明哲能勿信者寡矣無惑乎城之尋議而尋寢也然則何如曰小人加為一身一家謀不知為一邑一邦謀小人之謀可以行於為身為家之有司而不可行於為國為民之有司一時之重役可憚也

而百世之永遠此城實貽之一時之煩費可憚也而百世之長利此城實貽之使有司垂百世之愛夫然後爲有司之忠臣使舉邑受百世之安夫然後爲舉邑之大唐河城加於山窺虛實何以爲蔽或據險以肆攻擊何以爲守雖有城猶無城矣蓋築城所以固一邑而據山又所以固一城者也使爲賢有司者明燭利害之大端屏却撓阻之傍說近監剝兼之禍遠圖安堵之休則當道有協濟之策而費可以無憚於頃小民有子來之義而役可以無憚於重矣 瞿文懿記曰國家疆理天下海隅日出罔不供賦而歲入之多國計每反足焉者則蘇州爲最蘇州之域領州縣凡八北控大江東漸瀛海爲府治後戶稱重地者則常熟爲最縣故有城久廢不治每有寇竊居人不甯一時守土之臣與一二搢紳亦時議修築多撓浮議幸事稍平則棄置不復講率以爲常嗟夫天下無事則關隘盡除外戶不閉萬一潢池有警而城守不設亦復何以禁暴亂安黎庶哉吾聖祖肇造區夏四夷罔不臣服而近海州域特設備倭官軍先事之慮蓋如此爾來倭夷倡亂雖旋就撲滅而蜂蟻竊發爲毒不少我一二搢紳乃以城事白邑令王公王公讓曰城吾責也然不敢專將聽命焉迺白郡守林公林公曰茲邑迤江而不城是延寇也乃遂進自

常昭合志稿

卷四

城垣

四

巡撫都御史彭公嶽江都御史蔡公巡按御史孫公巡江御史正公凡承命秉憲有事茲土者皆以次自先是孫公陳海防事宜以上海嘉定常熟俱分海濱繫要衝而無城可守已具疏於朝迨檮紳議入彭公蔡公汪公僉以爲然遂相與定計下其事於王公公乃卜以六月甲午日興事度基立表鳩工徵材量能授任先城丈許以準其費出納有稽勤惰有督拊之摩之課之責之趨事之民罔不競勸不數月而城成其西枕山麓迤北而東而南則阻水爲固四向各門門各有樓傍爲水門四以通舟楫虞山一門上據山岡仍冠以樓瞭望便焉襟抱周密風氣益完近而察之則樓櫓內嚴谿山外周倉庾獄市區分不擾遠而望之則連引吳會控制江海形勢雄張隆然巨防登城四顧山若增高水若增深屹爲望縣公乃告成事於諸公諸公各嘉迺績進而獎之維我一二搢紳其成也屬予紀其事予謂非常之功固非拘攣之士所能決即有過人之才非有以先服衆心則亦不能決何也一蔽於私則羣議易撓也邑城傾圯日久一旦作而新之功同創始且居民業已侵爲田廬不便改作故前令率以爲難王公初亦重此役然廉潔無私自下車以來剗削浮費不以一毫歸民城事既起雖鎚金斂散必慎必明故令行而人不改態亦

其有以先服衆心也撫按諸公復相與協謀無復異同使公得展布四體以樹保障之績是以皆可以爲決大策定大事者之法矣城周一千六百六十六丈有奇高二十有四尺厚加三之一費以金計者四萬九千七百六十兩有奇王公名

萬曆中縣令張集義增城隍加女牆縣令耿橘又易城門之名

東北曰鎮海西北曰鎮江山顛者曰鎮山

國朝雍正三年分設昭文縣自鎮海門西歷鎮江門鎮山門阜成門達翼京門爲常熟境自鎮海門東歷寶湯門達迎春門爲昭文境城工兩縣分任修葺六年昭文知縣勞必達改鎮海門爲望海門

常昭合志稿

卷四

城垣

五

今計城周一千六百六十一丈有零高如舊城根厚八尺凡爲砲堞五十八堞三千八百九十九城濠自北阜門起至西門止外寬約六丈內寬約三丈不等

翼京門俗稱南門內門坐

長未向

外門坐

壬己向

水關坐

求城牆東南至龔家橋與小東門分界西南至棧房街口與

西門分界計砲堞七堞五百十

阜成門俗稱西門內門坐巳向亥外門坐

卯庚向

水關坐

辰巽向

乾城牆東南至棧房街口與南門分界北至虞陽汎與虞山

門分界計砲堞十二堞六百五十

鎮山門即虞陽汎地俗仍稱虞山門內門坐乙向辛外門坐癸向丁城牆南與西門交界北至言子墓與北阜門分界計砲

堞七堞五百七十四

鎮江門俗稱北旱門內門坐丙向壬外門坐庚向甲城牆西至

言子墓與虞陽汛分界東至北水門水關上分界計砲堞十

三堞七百一

鎮海門亦名望海門俗稱北水門內門坐未向癸外門坐辛向

乙水關坐丁向癸城牆西至水關橋角嘴與北旱門分界東

至直隴家街與大東門分界計砲堞六堞三百四十二

賓湯門俗稱大東門內門坐寅向坤外門坐戌向乙水關坐申

向寅城牆北至直隴家街與北水門分界南至顧家橋與小

東門分界計砲堞六堞四百五十三

常昭合志稿

卷四

城垣

六

迎春門俗稱小東門內門坐戌向乙外門坐子向丙水關坐辛

向乙城牆東北至顧家橋與大東門分界東南至龔家橋與

南門分界計砲堞七堞五百六十九

國朝歷年修城成案

順治八年署知縣石映星詳請於田畝增釐修大東門塌城

三十丈 十六年知縣周敏照前例修南門十二丈北旱門

十五丈五尺

康熙九年知縣于宗堯修西門坍塌城共四十九丈一尺勸捐

不足請支解費接任知縣林象祖完工 十九年修東西坍塌

城共一百十四丈糧道劉鼎捐銀二百兩知縣林象祖接任

知縣高士鷄捐一百三十兩紳士商典共捐一百兩又收西山真武殿香錢六百四十五貫湊辦完工 二十四年圯城支解費修葺 四十四年知縣黎龍若修大東門圯城三十二丈六尺紳士商典公捐不足問罰完工 四十七年圯北水門二十七丈西門十八丈北旱門十八丈并各門鼓樓水關共估銀三千六百餘兩詳請公捐罰贖修葺又奉道撥給兩倉私收四文挑錢四百兩二錢七分修北水門北旱門兩處事在署印海防同知黃尙寬松江同知郭朝祚知縣章曾印任內至五十七年知縣馬暹五十八年署印同知張其仁照例用公捐問罰修完西門五十九年邑紳邵韓捐修西門

常昭合志稿

卷四

城垣

七

小東門水關

碑記

雍正六年自小東門鼓樓起至北水門水關止昭文縣知縣勞必達領工料銀二千九百八十二兩九錢零重修

昭志

乾隆二十八年常熟知縣敬華南領工料銀四千一百二十七兩零修縣城又捐修護城駁岸自西關起至南關止共一百八十七丈工料銀四百七十二兩

碑記

道光十二年常熟知縣周岱齡昭文知縣史璠勸捐修城城外西南隅濠邊加築石隄 十三年糧道額騰伊陶廷杰常熟知縣周岱齡昭文知縣張綬組同紳士捐貲重修其費銀四萬一千餘兩周岱齡撰記



同治十一年常熟知縣汪福安昭文知縣許子春籌款重修

邑人楊泗孫撰記

記文畧曰邑城自道光十三年大修之後越二十八年而粵匪滋事城陷於賊兩載

有餘同治二年駱國忠率眾投誠大學士伯李公駐師上海納周興隆於城以示之信於是蘇垣之賊相率來攻兩月有餘炮聲不絕而城多圯塌矣城復後知縣王慶長梁蒲貴稍修葺之迄今逾十載日漸圯卸不足以資保障懷甯正公來蒞常邑先修虞山門既乃與昭文大令許公籌款通修至虞山門外之石營則請俟諸異日計修築垣梁礮臺城常邑工一千三百六十七丈費錢一千八百八十六千零昭邑工七百六十九丈費錢八百三十二千零 鴻文案丈尺與一千六百六十一丈原數不符當是并越城等工程統計之也現係署抄來案卷亦云歸常邑轄者自小東門水關西鐘樓灣起至北水門水關計一千三百六十七丈內砲臺三十七座歸昭邑轄者自北水門水關起至鐘樓灣計七百六十九丈內砲臺十九座兵燹後遇大修籌用公款外遇小修歸應轄之縣捐廉隨時葺補凡小修茲不備記

光緒六年常熟知縣郭元昌昭文知縣陳康祺動撥典捐錢

常昭合志稿

卷四

城垣

八

五百千文會同修城 十七年修理各城堞並水關駁岸撥

用圩工賑款錢一千二十五千零 三十年昭文知縣張瀛

捐廉二百餘千修補坍塌城垣

附鎮堡及歷代故城

福山城卽南沙故城東晉因漢司鹽都尉署分置南沙縣於沙中地城在今縣北銅官山下隋并梁海虞南沙海陽前京信義興國六縣爲常熟縣治南沙故城通鑑注云通州南岸蘇州常熟縣福山鎮卽東晉之南沙是也今城距縣三十六里周三里餘爲門三係明嘉靖三十四年知縣馮舜漁因備倭警率江陰主簿曹廷慧所築以置防江之戍萬歷間縣令楊漣重修邑人翁憲祥爲文記之文泐不可讀見金石志國朝康熙十三年巡撫馬祐疏請捐修二十一年縣令高士鵷重葺乾隆三十年縣令敬華南領工料銀三千八百八十八兩零續修

常昭合志稿

卷四

城垣

九

年久漸圯道光十七年邑人王家相倡捐重築增建城樓家

相撰記

記文畧曰虞之爲邑北枕大江東達濰海控制倭係先哲儆之乃其爲郡治之重險縣境之門戶者實在

福山山臨江海與狼山相犄地勢夙稱雄勝有明中葉倭寇既平以副總兵官鎮其地始築城堡以屯軍其後改設把總

國朝順治間定設游擊鎮守規制益嚴山陽有塘東挾耿

經以通白茆鹽鐵西承九潮以通奚浦浪澄南受震澤游波

爲尾閘捷徑博塘田疇資以蓄洩者無慮數萬頃商旅往來

魚鹽蜃蛤之湊固江左一都會也塘既瀕江湖洑口至墮瀆

隨淤而城自乾隆乙酉重修後已闕七十年日就頽圯歲丙

申兩邑侯允紳士之請及春農隙按田捐資如式浚治塘以

疏濬兼營障堞民力之不逮者聽好義者樂輸時江夏陳公以方伯權大中丞事據以入告董勸者畢其心致功者竭其作可謂周且遠矣其明年公自淇都移節撫吳乃以在事勤奮捐輸數多者會同制府安化陶公聞於朝而請甄敘焉之城也廣袤雖止數里而形便扼要衛以貔虎屹爲金湯縣治閭郭業於數載前繕完一新則濬塘以因所利卽築城以備不虞亦今日之急務矣某分藩汝南引年歸里不復豫戶外事長子某實從事諸君子後其歲斯役故於顯末知之爲

詳且以有城以來未有紀也爰摭實以文其石焉

海虞故城吳地記云海虞縣北六里有虞山今按地勢當在昆

承湖相近參舊志

海陽故城王峻府志云永和初移郟朐利城出京口蕭齊於其

地置海陽縣未詳所據桑瑜志云端委鄉海洋塘南通鵝城

港北通千步涇入江陽洋同音疑即海陽塘也琴川三志補記

信義故城崑山縣志云真義鎮即古信義縣也三志補記

前京故城松江府志云梁析海鹽東北境置前京胥浦二縣等

省胥浦併入前京隋以前京入常熟唐析前京入海鹽三志補記

興國故城無考鮑廉琴川志云開元鄉有興國里在縣西北三

常昭合志稿

卷四

城址

十

十里三志補記

石城在縣北五里越絕書石城吳王闔閭所置美人離城也吳

地志越王獻西施於吳王王擇虞山北麓以石甃城為遊樂

之所今有石城里即北水門外李家橋地舊志

扈城在石城東世傳吳王遊樂石城又建離宮扈蹕故名扈城

今有扈城村舊志

九里城在縣北九里世傳吳王牧馬於此建城以攔馬俗呼攔

馬城有洗馬池今存舊志

莫城有二一在縣南十二里俗傳莫邪鑄劍之所亦謂之劍城

今有小廟奉莫邪大王其近地有莫門塘一在縣東四十里

寰宇記云漢莫寵所築以捍海

舊志

利城在縣北晉元帝以海虞北境之士山立利城以處流民

舊志

鵝城在縣東北十五里金鳳城在縣西北四十里朗城在縣東

南又有陶城閭城郭城俱不可考隋煬帝時詔村塢皆築城

唐僖宗時詔州縣各築城堡諸城必係隋唐末年所築今皆

廢

舊志

向墅城在縣北十八里張士誠渡江入福山港築此城以駐兵

今有尙墅整

舊志

支塘城在縣東四十五里張士誠據平江塹白茆浦廣三十六

丈以洩三吳之水築城於支塘南北跨鹽鐵塘東西跨白茆

常昭合志稿

卷四

城垣

七

浦如潤州丹陽之制圍九里三十步高二丈厚一丈二尺後

廢或云後拆毀移甃太倉城今惟南門北關東城西城河名

尚存顧祖禹方輿紀要誤以為南沙故城非也

舊志參海虞別乘

歸家城在九折鄉去鎮海門十五里明嘉靖中邑人歸雷築以

防倭高如縣城東西有門南有水門陳逅為文記之

其文曰鄉之有

堡凡以輯居民待暴客防侵潰便守望也常熟縣鎮海門北

去十五里有新堡建九折鄉蓋邑士震卿歸君雷受命於官

創舉重役以保聚其佃徒與其鄉人者也堡之建首事於嘉

靖乙卯春二月而工告訖功則在 月其堅厚宜久遠而形

勢屹然為邑城後蔽過而顧者槩稱曰歸氏新堡先是烏程  
犯順疆場靡甯皇帝哀矜下民採據羣議所在村落例許築  
堡自固以蔽兇螫監司撫臣督屬奉行惟謹九折里胥相與  
造縣陳悃款冀率眾從君樹堡為室廬計者且言君導利勸  
利惠其鄉人通戶聞風復業者踵相繼惟此類具言之邑令  
王侯廉知君賢得里胥語益信遽召君至庭屬成事君辭謝

已乃進言曰時方動勸欲興土功動衆懼非計無已則請獨  
竟力畢役幸毋別生事端可乎王侯大喜嗟賞良久因促牒  
徧告當道俱優示曰可君於是發笈鳩徒投稗賦直糶土內  
實堅壁外甃展勗莫勸乃如期報成總其高凡若干尺周圍  
而數之凡若干丈有奇東西有門而迤南有水門瞭望有樓  
環墉而流有河險設守固而居者安遷者集出入息者稱  
便蓋用財凡若干金用力凡若干工錙銖不藉公帑而以疆  
助力者雖私佃必予之厚償事聞巡撫周公特頒惠禮幣以  
旌義舉巡按周公亟致優獎之詞爲所部勸當是時甯君以  
高義傾吳中京師頭人聞之無不擊節稱長者明年倭寇再  
犯常熟屯福山鎮久之竟循江洋岸西去不敢逼城下謀者  
蓋謂寇衆遙見堡懼有伏且謂與邑城相犄角卒未易犯也  
識者尤以是多君之等云君既歿其子太學生謨謁余爲記  
余嘗閱古今圖史於營堡砦柵之制詳矣總之有位者受成  
於上以代終厚下不容有侈詞焉至於居卑振義比其儔黨  
則劉君良之徒所爲要之以爲難事然彼猶舉眾力爲之而  
君獨以一人之力瘠己爲衆豈不加難哉君生平慷慨有器  
畧於赴義若嗜嘗奉公履畝造橋梁助邑成貸通賑乏其事  
非一茲猶其大者云雷號素琴謨號百泉俱 今已廢而其地  
以義畧著聲謨子學周貢生孫紹慶舉人

常昭合志稿

卷四

城垣

三

仍稱歸家城

舊志

徐六渚土堡康熙初建設千總防江

曾志

石營城

府志稱石城按邑舊有石城已見前此城當時止稱石營故加營字別之

在虞山東脊包絡

鎮山門以爲外護長二里餘粵寇運各家墳塋石料所築俯  
瞰水陸保障城垣深得形勢同治三年巡撫李文忠公檄飭  
善後局官紳修整永資控扼無如常熟歲易一令無暇留心  
及此山梟日夜盜卸不及十餘年已無片石存矣

附在城附郭坊巷 舊志有坊巷門蓋昔人立坊以名巷若宋汴京昭德履道之類是也盧志

所載崇德開元諸坊正合斯義續志之文學通濟諸坊亦然至衮繡叢桂諸坊則因仕宦科第而建坊表之坊非坊巷之坊矣所以閭老會元天官百歲儒英諸坊偶或因坊以名其地餘則問其名或不知其地過其地或不知其名或數巷無一坊或數坊在一巷蓋坊之名同而坊之實異也茲變舊例首列古坊而凡坊之為公署祠廟仕宦科第而建者悉注於巷下以便稽考

言偃坊 文學坊 德致坊 和風坊 惠政坊 隱仙坊

崇德坊 化合坊 信義坊 開元坊 清真坊 常平坊

右十二坊見盧鎮琴川志今皆無存并未審所在

製錦坊 舊名太平 飛鳥坊 舊名仁壽縣治 富民坊 縣東 春風坊 以

風樓相對 興福坊 以崇教興福寺 壽安坊 縣西何家橋 叢桂坊 以洽

常昭合志稿 卷四 坊巷 三

兄弟登科故 衍慶坊 縣西北通 聚星坊 以饒邱富諸寓公皆 裘

繡坊 以韓履居此 紫薇坊 以崔紫薇敦詩居 虞山坊 以登虞山

右十二坊皆宋代所建見於舊志今亦無存

縣南街 明同書尚宗居此 起常熟縣署照牆南過縣橋 元名州

川第 有學道名邦坊 乾隆間令敬華南重建 東出為金童子巷

亦名 駝子巷 西出為沈家巷 西抵沈家橋亦名 又南行東出

為東太平巷 東抵太平橋北境中段 西出為西太平巷 西抵八

迎仙 過鎮橋 跨第二絃宋慶元 東出為周神廟街 東抵同 南抵

跨塘橋 跨第一絃即學 皆常熟境

縣前舊有士元人瑞坊 為周光 喬梓傳芳坊 為開 近鎮橋

右的坊為程都憲坊為陳察建劉本沛虞書云陳中丞察

書建坊橋下母夫人語程家人曰汝可少遜勿礙吾兒他日建坊地人皆笑之及二子官顯建坊並時人皆異之

司成坊為趙用賢建又南有學士坊為嚴近跨塘橋有宮保坊為

建傑今皆不存

縣前街東起迎恩橋詳水道志名縣東街南出過柳橋通柳河沿轉

北出為前新巷通縣後街山巷東山過縣署照牆易名縣西

街西過何家橋亦名和嘉橋南出為粉皮街抵八西為冲天廟南出

為繡鞋街南抵山塘涇岸西為草蕩裡抵桑家街 皆常熟境

迎恩橋西舊有父子進士坊為錢岱錢時俊建縣西街東接縣南街

通南門街西至何家橋塊接南市中心通慧日寺街店肆櫛比

常昭合志稿

卷四

坊巷

西

為常境最繁盛市區據劉本沛虞書則康熙以前縣東街至

陳家市最為富饒之地即此可見今昔之殊

南門大街東起顯星橋詳水道志南出為何家廊下沿城濠西由為

行則過清節堂南穿後閣老坊通何家廊下其北口為温家街舊為過街樓亂後樓下占為屋温家

街北行之路遂斷西為閣老坊為嚴過跨塘橋南塊西南行為南門大

街南出為稅務街南抵龔家橋為新街舊名顧家新巷因裕愍南抵

翼京門 自閣老坊以南温家街以東為昭文境餘皆常熟境

南門大街有言子闕里坊舊志云創始無考康熙二十五年

令陳莫讓重建二十四年又令楊振藻重建乾隆八年毀於火今存柱又有世科坊為沈

學前街東起琴川第一絃北岸過盲子祠俗稱小學有風紀名啣坊

海建

經 文廟前過泮宮坊 坊向南舊志各科第坊 有至榮坊 為程式建 西過

跨塘橋北塊為程家巷過望仙橋 詳水道志 西塊北出為迎仙里 俗名

橫頭街北過慶仙橫 西過文星橋北塊 由文星橋南出為午橋街西接小榆樹頭過小

橋抵西涇岸其南折則過午橋為小塔前西行過節孝祠迳如意橋北塊為祝家河頭亦過小橋抵西涇岸其由小塔前南折

則抵黃倉橋西出為善祥巷元寶街並抵 西為南經堂抵南墀

街 皆常熟境

儒學東舊有興賢坊 近興賢橋舊名會元坊為施顯壘景清立 學前有育俊坊 亦名

解元坊為沈謨章表 望仙橋東舊有迎仙坊皆廢 周光宙盛文琳立

南墀街南起南墀橋 南通祝家河頭東折為六房灣 東出為報本道院街西出

為翁家巷門 西過黃板橋抵西涇岸 北為草橋街抵草橋 皆常熟境

常昭合志稿 卷四 坊巷 五

南墀街舊有世俊坊 為桑理建 時英坊 為桑瑜建 進士坊 為邵世茂建 今有

石柱存

西涇岸北起范公橋 見水道志 西出為趙家街 西通金李巷 為染坊街 西接

荷香館又西為天官坊折而北 為黃家巷門 西抵九曲黃河北出為東麵店街又西為翁府前 通荷香館南通九

圩南抵小石橋 跨西涇木橋三通翁家巷小榆樹頭祝家河頭並見前 西折沿城濠為九

萬圩轉北為環秀街抵翁府前折而西又轉北為西麵店街迳

朱雀橋東塊 橋西為西倉 北抵青龍橋 皆常熟境

九萬圩有父子大官坊 為趙承謙川賢建 恩錫卿貳巴蜀屏藩坊 為

鑿 九萬圩西偏名彭城分勝以錢秀峯園亭所在也

山塘涇岸西起阜成水關內河北岸蕭家街南口 北通阜成門大街 至



倉橋北塊北出為白虎街亦通大街至青龍橋北塊北出為青龍巷

亦通過興隆橋北塊至虹橋北塊北出為廟街直抵常邑廟前東行為

西山塘涇岸過米栖橋跨焦尾溪即廣義橋已無橋形至金李菴橋北塊橋南為金

李巷通北出為陶家巷舊志名安樂巷亦名大家巷直通道前街中段西出為會元坊過迴龍橋抵廟

街東出為中巷直穿寺南街接卷薦街過小石橋通南市心改名中山塘涇岸至范公橋北

塊北出為桑家街東通草蕩北抵中巷畧東折為儒英坊巷北抵寺前街儒英街中段西出有致和司街通

陶家巷改名東山塘涇岸過草橋北塊及繡鞋街南口東抵八字

橋即昇仙橋北塊北出為粉皮街抵何家橋南出為迎仙里皆常熟境

此涇上接山塘相傳河面甚濶故其地不曰街而曰岸後居

民占岸蓋屋河始狹矣會元坊為羅景清建乾隆間邑人相成霖修儒英坊為張

常昭合志稿 卷四 坊巷 夫

懋建近年會修均係木坊並存

寺前街起南市中心街西祖孫循良兄弟臺憲坊為蔣岳及孫以忠以化建過

孩兒橋已無橋形西運慧日寺山門內有街通寺後街南出過香花橋為寺南

街抵冲天廟門寺西北出為趙家街通寺後街南出為儒英坊又北

出為書院街舊名文學里接北門街東出為古翠園直通寺後街又東出為斗接街通槐柳巷與西子遊巷相接

槐柳巷南通古翠園北抵西街西為道前街南山為陶家巷西運糧道署前北

山為道街道石梅舊志名虞山里今在道署右故改者西運常邑廟前南山為廟西

北出為讀書里運讀書臺前通石梅俗呼延旺街西為西門大街運致道觀前

即招真治俗呼李玉宮東嶽廟前虞山福地坊俗呼嶽上抵阜成門西門街南出者為青

龍巷白虎街嶽街皆常熟境

舊志慧日寺東有忠孝坊為唐天恩建寺南有脩撰坊為張洪建阜成

門內有五馬坊為陳言建遺址均不可考又書院街有文學坊致

道觀左有尙書坊為徐恪建咸豐間石柱尙存今亦廢又廟街有

鈞衡頌輔坊為蔣廷錫恭奉御書建韋平世澤坊為蔣溥恭奉御書建

北門大街南起西街東出為清權坊巷坊為仲雍墓門此巷對之俗呼小平巷亦名清

屏過言子墓道前有文開吳會坊道啟東南坊恭奉御書建東出為

主司街為元孫主司故居今呼為洙泗街逕三元堂舊址在街西東出為半野

堂巷舊名邵巷以邵圭潔居此也其北舊有小洋子橋此巷與小平巷洙泗街並東通天常寺巷西出為陸

家山街又北行東出為楮樹街東通合輝閣街中段北出街直抵北城根西出

為半巢居街亦名祝家山街陳家山門抵直指巷又東出為混堂街東南接西施渡

常昭合志稿 卷四 坊巷 七

南為舍輝閣通天宮寺巷姚家街沿城根北抵鎮江門即北阜門皆常熟境

北門大街舊多祠宇及園亭自經咸豐庚申兵燹迄今四十

餘年彌望荆榛未能少復舊觀也仲雍祠中童子拜觀音石屹然獨立

市心街南起何家橋東堍接縣西街為南市心西出為卷薦街亦名得樓

街北過寺前街東口為北市心舊有黃柏橋西出為寺後街西接吉翠園

東出為縣後街舊名景言巷東抵新橋又西出為西子游巷抵槐柳巷東

出為東子游巷抵醋庫橋又西出為菜園街亦通槐柳巷東出為浜巷抵

子橋北堍又西出為西街舊名隱仙街經槐柳巷書院街北口直抵小三台至石梅東出為章家

街抵瞿橋北為紫金街因章氏居此而名詳見第宅志抵炳靈公殿前辛峯巷辛峯

巷東起通江橋西抵天常寺老天常寺自東西子游巷以北巷南起西街東北行過倉前抵倉橋南

循西衙天甯寺巷抵運河為昭文境餘皆常熟境

南市心雲仍科第坊為時中建北市心五桂坊為章表儀格律度兄弟建尚存

基址舊有三賢宅里坊為丁仁鄧彦章鄧載建尙志坊為鄧載建均無存

下塘街在河東街之下塘北起鎮海水關沿運河逕孝義橋盛家橋倉

橋通江橋瞿橋西塊過言子橋舊志云橋下水道居民堆塞乾隆間署令楊世綬勒石永禁又

云按圖經宋言偃橋在縣北一百五十步文學橋在縣東北一里前志誤併為一文學橋即醋庫橋也又逕醋庫

橋西塊向南為青果巷又逕新橋迎恩橋彎彎橋興賢橋西塊

直抵顯星橋諸橋並詳水道志自倉橋以南至醋庫橋為昭文境餘

皆常熟境

瞿橋西舊有都憲坊為章律建醋庫橋西舊有繡衣坊為陳璧建青果

常昭合志稿 卷四 坊巷 六

巷舊有丹心柱史坊為蔣欽建

北水門大街北起望海門過橋逕孝義橋盛家橋東塊過

二郎廟前東出為倉街至昭文倉前南過東倉橋下橋東行過東勝橋通龐家街下橋南行穿葛家街

東折過西勝橋逕五福街北口亦通龐家街又逕倉橋東塊東出為葛家街東南折抵西勝

橋為大榆樹頭抵西勝橋中段過橋為十家廊並通大步道巷南過

滑石橋又逕通江橋東塊東出為大步道巷舊有捕盜同知署故名捕盜巷張公

文壽自建監府告歸為三子起大第居之題巷門易今名東過毛家橋穿五福街巷賀湯門為小步道巷東

通昭邑廟前又逕瞿橋東塊東門大街西口過坊橋本名通濟橋舊有通濟坊舊志

云連福山塘通大江今無復河形矣宋吳潤有新修通濟橋記舊志載之文已殘缺畧云國博馬公幸是邑更二歲凡公宇亭

概悉已完緝惟口務之北有橋在焉以其小而壞一日邑之大姓陸文盛欲捐緝以新之公欣然為誦日願茲橋雨水降則水

決而不達此耕者之口也日則軸臚相亞此涉者之病也口口高廣濶制便具二者利之博也費緡五千萬其工不日而就耕者獲灌漑之利涉者口口滯之口名曰通濟不亦宜乎時皇祐三年三月望日記南爲河東街逕醋庫

橋東堍東出爲東殿巷舊有東殿聖王廟故名穿文昌街東爲塔後街折而抵洗硯池又逕新

橋東堍東出爲塔街逕昭武廟方塔前抵城濠西段北出爲文勝巷中段南出爲純陽街穿忠勝巷抵春風巷東段南過香花橋下橋東行爲壽星街抵現龍橋南行爲天燈橋東折爲顧家

橋街抵顧家橋南則通春風巷又東出爲忠勝巷舊名周沈巷楊儀二姊一適

故名逕迎恩橋東堍東出爲春風巷曲折東抵倉橋之北爲倉巷東抵逕鸞

鸞橋東堍東出後花園街爲前花園街二街並抵蕭家廊下逕興賢橋東

堍東出爲邵家巷抵邵家橋南抵顯星橋皆昭文境

河東街舊有大中丞坊爲陸問禮建本係問禮大父一鳳傳坊及問禮開府南韞建坊兩公子尙

常昭合志稿 卷四 坊巷 五

幼董其事者即舊坊鏡去其字而爲之事見履書司諫坊爲蔡坤建僅存遺址近坊橋舊

有岳伯坊爲呂國建興賢橋有文宗坊爲陸化熙建花園街有多史坊

爲朱茲建皆不存又塔後街有圖傳九老榮冠兩朝坊爲張直光建

東門大街西起坊橋北堍過昭文縣舊署前北通小步道巷又過昭文

邑廟前南出爲西黃板橋通文昌街又過昭文縣公館前逕百歲坊

南出爲東黃板橋通洗硯池及清天孫橋過魚家橋以魚湖村大守所居得名北出爲

五福街抵寶湯門沿門北出爲麗家街抵塔影潭通東勝橋折而南過裏水關橋又

西過清禾稼橋南行沿城濠逕現龍橋顧家橋倉橋西堍南爲

蕭家廊下又逕萬壽橋郁家橋廣濟橋西堍抵顯星橋其過廣

濟橋向南行折而東爲小東門街抵迎春門皆昭文境

東門大街舊有毓秀坊為魚貞壽之門坊即百歲坊為王舊

志又有世恩坊為吳登俊坊為孫大衢坊為蔡旌孝坊為顧

未注地名不詳所在

賓湯門外過弔橋東出為東門大街北出過鴨潭橋石口橋通

北名月城灣曲折處為興隆庵東行南出抵熙春橋元正開

南名柴場建本名迎春明成化間令鄧琪斲石重建改今名北出為上殷家街又東有

水溝頭街橫貫之又東行南出抵鎖瀾橋又東逕總管廟前過

北塘三里橋跨歌涇逕海潮庵直接梅李塘其過熙春橋而南

者南行則為熙春橋街西行則抵城濠南折為顏港逕虹涇壩

西口抵顏港橋北塊折而東行沿河逕圓通庵為裏顏港後顏

常昭合志稿 卷四 坊巷 三

港東抵八千橋亦名八仙橋頭港橋至八千橋有石隄一道邑

也出迎春門里許曰言港橋之畔有隄迤邐而東約三里地卑

易比遇潦水冒隄行人阻絕即不凍冰雪晦夜老幼恒虞夫足

居人苦之謀鑿石者久矣村僻民貧弗克成有趙君尊五者父

子好義好施慨然任其役捐金置石自言港橋至八千橋鑿隄

四百六十一丈石五千費口百五十兩有奇里中諸君協力襄

贊畚築咸集不兩月而告成以通往來向府汗渫者今夷途矣

以捍農田向苦低瘠者今上腴矣其利益良非淺鮮吾見今之

擁厚資者大抵皆鄙吝自封語以小善僅若毫毛掉頭弗顧若

趙君之忘己利人且以詔其後賢世世修治毋替可多得哉人

年曾居是也來請記之乾隆七年 東行則蔣家墳頭分為沿河  
歲次壬戌孟冬陳祖范撰并書 及裏塘兩街又合為下塘街過香尖橋北出抵鎖瀾橋又東逕  
大悲橋南塊橋北有又逕南塘三里橋南塊直接青墩塘 皆  
昭文地





岸西抵燒香浜 常熟境

西門外山麓皆諸家祠墓所在山麓上有中山路一條亦石子所甃又上別有上山路

鎮江門外過弔橋曲折向北徑報慈里抵興福山門 常熟境  
北旱門外大街有田塍間之民居不相鱗比咸豐年兵燹後  
益寥落祇以沿山多寺院春秋佳日游蹟不絕於途耳

鎮海門外過弔橋有橫街一折而北通福山塘 昭文境

北水門外烟戶無多緣通謝家橋福山故多人迹經行



